

中國方志叢書·華中地方·第八二七號

據

清·柏春修，魯琪光等纂  
清同治十年刊本

影印

江 西 省

# 南豐縣志

(一)

成文出版社有限公司印行

南豐縣志

同治十年辛未  
仲冬上浣開雕

春於同治乙丑夏五月荷

護院孫小山方伯奏補南豐仰蒙

天恩命宰是邑八月捧檄履任時值此地迭遭兵燹克復未久遍地荆棘百廢待興下車後接見紳耆士民詢及志乘時有在籍之前任兩淮運使劉星房都轉良駒首舉而告曰南豐縣志書從前所稱元州志及

國朝康熙中鄭令所修者世遠年湮杳不可得前志乃乾隆癸未經前盧令崧修迨嘉慶辛未王令茂源補修名曰盧志道光丁亥經徐令江續修名曰徐志亦幾四十年矣二志板刻向置琴臺書院屢

經鋒鏑遺失殘缺不能無憾遷至余家將來恐又散失須早爲之計且兵後一切應舉忠孝節烈殉難靖義諸事均須摻羅以俾續修是志乘一書亟宜修輯亦守土者之責也奈簿書錢穀魚鹿終朝難於籌欸任事豐邑素鮮蓋藏勸捐又難集腋通籌全局頗不易易竊慙有志未逮歲在己巳

劉峴莊大中丞奏修江西通志定爲條目格式飭下諸郡邑一體編纂

春

承乏於茲責無旁貸因多

方搜求得盧徐舊志兩部爰集紳士僉舉前任江蘇臬司湯鶴樹廉訪雲松纂修局尙未開已歸道山主稿者一時難定直至庚午冬方延定琴臺書

院山長魯芝友太史珙光總纂一切並延曾成甫  
孝廉道文協修在事諸紳詢謀僉同公舉運同銜  
湯也耕孝廉臣萊及邑人士之諳達精細者任採  
訪籌費校對諸事開局轉稟

省局各大憲分晰條理事增於前文省於舊數月  
以來幸已草創其中略者詳之訛者正之所有後  
來事蹟聿闢風化者概增載之請

旌者據檔案以書之疑闕者集眾論以商之總期毋  
遺毋濫當於體例而已待罪七年聞見不周幸  
與諸君子事事商榷一一考訂畢繕成帙上之  
中丞聊備通志採擇爰付梓人序其梗概於此

同治十年辛未冬月

欽加運同銜 賞換花翎軍功保舉應陞知南豐縣事  
加三級漢陽柏春書

南豐縣修志姓氏

總輯

賞換花翎運同銜軍功保舉應陞南豐縣知縣柏春

總纂

翰林院庶吉士國史館協修魯琪光

分纂

甲子科舉人揀選知縣曾道文

經理

賞戴藍翎運同銜揀選知縣湯臣萊

賞戴花翎二品封典運使銜即選道彭祿

分纂

六品銜南豐縣儒學教諭 羅秀峰

江蘇補用直隸州知州 李鏞

收掌

廩

膳

生 黃廷輔

採訪

歲貢生 候選訓導 周晃

廩

膳

生 趙鍾嶽

附

學

生 饒孟煌

監

生 張必達

校對

刑部主事封職附貢生 楊垂經

辛亥恩科舉人國子監學正銜劉璧

己亥科副貢候選教諭張宗栻

丁卯科舉人曾道唯

歲貢生候選訓導吳琳

光祿寺候補署正湯寅

廩膳生吳嘉瑜

廩膳生揭裕清

附學劉良桀

附學江廷奎

監生劉孚翊

監造

監

生 湯永暉

從

九 品

職 黃春鷺

校刻

大

品 封

職 饒孔昭

監

生 鄒 嶸

繕寫

監

生 李珠浦

湯承烈

童

生 趙鶴琳

劉 崧

邱森林

熊廷芝


劉良梅

張煒光

劉灝

湯炎

鄭桐芳



原序一

南豐盱水之上游初隸撫宋割撫之南城縣置建昌軍  
遂隸建昌壯哉縣也稱爲江右最人物有曾子固文章  
名天下而南豐益以重國朝以建昌爲總管府南豐仍  
爲屬縣未幾陞爲州專達於行省而南豐又益以重李  
侯彝由司憲事來爲州暇日得縣志於煨燼之餘命余  
友人劉君堦於己紀者訂之於未紀者增之成州志十  
五卷夫州縣有志舊矣然今之居官者下焉爲辦私計  
上焉爲奉公計其量賢者乃能爲民計而何暇及此久  
道不泯之事哉侯不視此爲迂緩不切而成此書縣之  
爲州自我朝始州之有志自今侯始書成示余余嘉之

故爲書於其後如此而歸其書侯之賢今將與此州此書相爲不泯也大德四年歲在庚子秋七月正議大夫江南湖北道肅政廉訪使程文海

原序二

漢儒論九邱之書曰土地所生風氣所宜皆聚此書蓋圖志之作實昉乎此後世因之名州鉅邑靡不有志彝宦游所至往往獲觀顧於南豐未之覩竊嘗歎曰圖志古也豐文獻邦其獨無是乎公退旁摛得舊邑志閱視則世代縣隔與今事不類因屬泮宮諸君子加修纂焉訂其譌補其闕刪創其不必存自建置至遺事凡三十釐爲十有五卷捐俸募匠刻諸梓同僚協志樂助司

屬府史偕州里諸賢咸致力書是以成披卷縱觀一部  
事蹟萃是矣其播之四方不待挹軍峰之蒼翠臨盱流  
之清漪而山川景物城郭人民厯厯在目其進之太史  
上之職方則備紀載補闕遺安知不有取耶標其目曰  
南豐郡志書其共事者之氏名曰會總修纂者前學官  
劉壘也分卷同修者前學官彭埜職員羅安道上官鯉  
也攷正文字課督工程者今學官劉東叔直學朱顯祖  
也捐俸助刊者同知阿老瓦丁州判常泰吏目王沂而  
主盟者則達魯花赤伯顏察兒也大德庚子日南至奉  
直大夫南豐州知州兼勸農事李彝

原序三

見竹王子序曰古先聖王立教有經致治有史不可廢也故書者經之史也春秋者史之經也詩則自王朝至列國以及委巷之吟咏咨嗟美刺得失所以詳謨訓之所未備而成褒貶筆削之功是詩亦史也夫書也詩也春秋也三經相爲表裏而經也史也其揆一也聖人沒經不復作而史與志分焉然亦六經羽翼也明興實錄外天下郡邑咸有志乘南豐志亦舊矣先是燬於兵有司往往欲修輯弗逮省藩大參鄭公蒼瀛爲令時嘗設局集士未半以遷秩諫垣行豈志之興廢亦有數耶歲萬厯乙酉冬十有二月川南確齋程侯來視邑篆甫至首草胥役之健猾而蠶食者將百人約以自奉勤以爲